

子聞說是法悉皆誓首禮大仙足心意惶怖身體戰掉悲泣白言將來之世法沒盡時見此世者意當云何何忍見之我等今日聞說是事心用崩破彼世之人遭此惡者身心豈不裂作百段耶時諸弟子忽復自議至心投地同聲白師我甚惶怖云何得道免于斯苦

畫六

八

不遭斯惱大仙告曰道無遠近勤求則得無有前後此經名曰大仙迦丁所記當來秘識要集宜勤精進可免斯苦時諸弟子聞經悲泣飲淚誓首奉行

迦丁比丘說當來變經

大阿羅漢難提蜜多羅所說法住記

三藏法師玄奘奉 詔譯

如是傳聞佛薄伽梵般涅槃後八百年中執師子國勝軍王都有羅漢名難提蜜多羅唐
友具八解脫三明六通無諍願智邊際定等無量功德皆悉具足有大威神名稱高遠以

願智力能知此界一切有情種種心行復能隨順作諸饒益化緣既畢將般涅槃集諸苾芻苾芻尼等說已所證諸妙功德及應所行利樂有情諸勝事業皆悉成辦告時衆曰自此已後無復所為唯無餘依是所歸趣仁等當知有疑可問時諸大衆聞是語已舉聲號哭不能自持宛轉於地或起唱言佛薄伽梵久已涅槃諸聖弟子亦隨寂滅世間久空無真調御今唯尊者爲天人眼如何復欲弃捨我等願垂哀愍少留壽命尊者慶友慰喻衆言不須啼泣仁等當知世間法余有生必滅諸佛如來降伏四魔於壽自在隨順世故猶示涅槃況我今者豈宜恒住設隨汝請亦無利益當體此意勿生憂惱但有疑者應可速問諸苾芻等雖承告示猶增涕噎良久乃问我等未知世尊釋迦牟尼無上正法當住幾時尊者告曰汝等諦聽如來先已說法住經九

無上法付囑十六大阿羅漢并眷屬等令其護持使不滅沒及勑其身與諸施主作真福田令彼施者得大果報時諸大眾聞是語已少解憂悲復重請言所說十六大阿羅漢我輩不知其名何等慶友答言第一尊者名賓度羅跋嚩惰闍第二尊者名迦諾迦伐蹉第三尊者名迦諾迦跋釐惰闍第四尊者名蘇頻陀第五尊者名諾矩羅第六尊者名跋陀羅第七尊者名迦理迦第八尊者名伐闍羅弗多羅第九尊者名忒博迦第十尊者名半託迦第十一尊者名羅怙羅第十二尊者名那伽犀那第十三尊者名因揭陀第十四尊者名伐那婆斯第十五尊者名阿氏多第十六尊者名注荼半託迦如是十六大阿羅漢一切皆具三明六通八解脫等無量功德離三界染誦持三藏博通外典承佛勑故以神通力延自壽量乃至世尊正法應住常隨護持及與施主作真福田令彼施者得大果報

尔時苾芻苾芻尼等復重請言我等不知十六尊者多住何處護持正法饒益有情慶友答言第一尊者與自眷屬千阿羅漢多分住在西瞿陀尼洲第二尊者與自眷屬五百阿羅漢多分住在北方迦濕彌羅國第三尊者與自眷屬六百阿羅漢多分住在東勝身洲第四尊者與自眷屬七百阿羅漢多分住在北俱盧洲第五尊者與自眷屬八百阿羅漢多分住在南瞻部洲第六尊者與自眷屬九百阿羅漢多分住在耽沒羅洲第七尊者與自眷屬千阿羅漢多分住在僧伽茶洲第八尊者與自眷屬千一百阿羅漢多分住在鉢刺摩洲第九尊者與自眷屬九百阿羅漢多分住在香醉山中第十尊者與自眷屬千三百阿羅漢多分住在三十三天第十一尊者與自眷屬千一百阿羅漢多分住在畢利颶瞿洲第十二尊者與自眷屬千二百阿羅漢多分住在半度波山第十三尊者與自眷屬

盡六

十

千三百阿羅漢多分住在廣勝山中第十四尊者與自眷屬千四百阿羅漢多分住在可住山中第十五尊者與自眷屬千五百阿羅漢多分住在鷲峯山中第十六尊者與自眷屬千六百阿羅漢多分住在持軸山中諸仁者若此世界一切國王輔相大臣長者居士若男若女發般淨心爲四方僧設大施會或設五年無遮施會或慶寺慶像慶經幡等施設大會咸延請僧至所住處設大福會或詣寺中經行處等安布上妙諸坐卧具衣藥飲食奉施僧衆時此十六大阿羅漢及諸眷屬隨其所應分散往赴現種種形蔽隱聖儀同常凡衆密受供具令諸施主得勝果報如是十六大阿羅漢護持正法饒益有情至此南瞻部洲人壽極短至於十歲刀兵劫起互相誅戮佛法爾時當暫滅沒刀兵劫後人壽漸增至百歲位此洲人等獸前刀兵殘害苦惱復樂修善時此十六大阿羅漢與諸眷屬復

盡六

十一

來人中稱揚顯說無上正法度無量衆令其出家爲諸有情作饒益事如是乃至此洲人壽六萬歲時無上正法方永滅沒時後至人壽七萬歲時無上正法方永滅沒時此十六大阿羅漢與諸眷屬於此洲地俱來集會以神通力用諸七寶造窣堵波嚴麗高廣釋迦牟尼如來應正等覺所有遺身駛都皆集其內尔時十六大阿羅漢與諸眷屬繞窣堵波以諸香華持用供養恭敬讚歎繞百千而瞻仰禮已俱昇虛空向窣堵波作如是言敬禮世尊釋迦如來應正等覺我受教勑護持正法及與天人作諸饒益法藏已沒有緣已周今辯滅度說是語已一時俱入無餘涅槃先定願力火起焚身如燈焰滅骸骨無遺時窣堵波便陷入地至金輪際方乃停住爾時世尊釋迦牟尼無上正法於此三千大千世界永滅不現從此無聞此佛土中有七方俱胝獨覺一時出現至人壽量八萬歲時

獨覺聖衆復皆滅度次後弥勒如來應正等
覺出現世間時瞻部洲廣博嚴淨無諸荆棘
谿谷堆阜平正潤澤金沙覆地處處皆有清
池茂林名華瑞草及衆寶聚更相輝映甚可
愛樂人皆慈心修行十善以修善故壽命長
遠豐樂安隱士女殷稠城邑鄰次雞飛相及
所營農稼一種七穫自然成實不須耘耨諸
仁者於彼時中國界莊嚴有情果報陳之難
盡具如彌勒成佛經說彌勒如來成正覺已
爲聲聞衆三會說法令出生死得證涅槃第
一會度九十六俱胝聲聞衆第二會度九十
四俱胝聲聞衆第三會度九十二俱胝聲聞
衆若諸國王大臣長者居士男女一切施主
於今釋迦牟尼佛正法中能爲佛事自種善
根或教他種謂於大乘素咀纜藏所有甚深
空性相應諸大乘經謂般若波羅蜜多經妙
法芬陀利迦經金光明經金剛手藏經首楞
伽摩三摩地經幻瑜三摩地經大神變三摩
地經集諸功德三摩地經速如來智印三摩
地經具諸威光三摩地經寶臺經集諸菩薩
三摩地經諸佛攝受經集請問經梵王問經
善吉問經勇猛問經能滿問經海龍王問經
無熱惱龍王問經樹幢龍王問經寶掌問經
寶臺問經虛空音問經虛空吼問經幻網問
經寶女問經妙女問經善臂問經師子問經
猛授問經金光女問經說無盡慧經說無垢

畫

十二

稱經未生怨王經諦寶經那羅延經佛華嚴經蓮華手經十佛名經無量光衆經極樂衆經集淨華經大集經入一切道經寶幢經寶聚經寶篋經彩盡經高頂王經如是等大乘經有百俱臍部黨差別復有大乘毗奈耶藏阿毗達磨藏衆多部類一切皆是菩薩藏攝

蓋六

十三

復有聲聞三藏謂素怛纏藏毗奈耶藏阿毗達磨藏素怛纏藏有五阿笈摩謂長阿笈摩中阿笈摩增一阿笈摩相應阿笈摩雜類阿笈摩毗奈耶藏中有苾芻戒經苾芻尼戒經分別戒本諸蘊差別及增一律阿毗達磨藏中有攝六問相應發趣等衆多部類復有本生曼讚獨覺曼讚於如是等正法藏中或是佛說或菩薩說或聲聞說或諸仙說或諸天說或智者說能引義利乃至有能於四句頌若自誦若教他誦若自讀若教他讀若自持若教他持若自解說若教他解說或於法師恭敬供養或於經卷恭敬供養謂以種種香

華幡蓋妙樂燈明而爲供養或於經卷以諸雜綵囊帢縷帶而嚴飾之由如是等善根力故至彌勒如來成正覺時善得人身於彼佛第二會中以淨信心捨離家法出趣非家淨除鬚髮披著法服既預聖衆隨宿願力便得涅槃是名第二爲法事故種善根者所得果報若諸國王及臣庶等一切施主於今釋迦牟尼佛正法中能爲僧事自種善根或教他種謂諸苾芻苾芻尼衆或次第請或隨緣請於月一日或月八日或十五日設齋供養或往寺中若供養一若供養衆或作給侍或有供養修靜慮者或有供養諸說法者或見有人欲於正法學習流布從師聽受不作留難施其所安無令怯退或設五年無遮施會或施四方僧或施寺舍及坐卧具或施鐘磬或施園林如是等類供養僧衆彼由如是善根力故至彌勒如來成正覺時善得人身於彼佛第三會中以淨信心捨離家法出趣非家

淨除鬚髮被著法服既預聖衆隨宿願力便得涅槃是名第三爲僧事故種善根者所得果報

余時慶友大阿羅漢爲諸大衆廣說如上事已以神通力於大衆前身昇虛空高七多羅樹示現種種不可思議大神變事令所觀衆

盡六古

增進勝道時彼尊者現神變已即於空中結跏趺坐捨諸壽行及諸命行入無餘依般涅槃界先定願力火起焚身於虛空中兩身遺骨時諸大衆悲歎希有競收遺骨起窣堵波以諸香華寶幢幡蓋妓樂燈明常爲供養此法住記古昔諸師展轉相承誦持不忘爲令

一切國王大臣長者居士諸施主等了達因果獸生老病死芭蕉幻焰泡沫之身修諸勝業於當來世逢事彌勒解脫煩惱得大涅槃生愛樂故於佛正法護持建立令久不滅

大阿羅漢難提密多羅所說法住記

盡六

迦丁比丘說當來變經
係計音沮敗反上才呂園圃下補布二音種菜日園達
親云財施也初近反此耐音奈屏處隱也餅姓蕩夷
今裸卧上魯果反下赤體也反愁慘下七感反乞匱蓋下音處圖
反田反廁也也胡塘撲下徒闔指雜廁反間下初使
也鞞居宜反訪冒莫報反仍下逃逆必孟反
走券信上丘願反驕動刀反蘇噉吾高撓答步
也契約也
下庚反舍也
下音潔打也
瑟謂五年六會齊也
下音鉢下音風此
撲角反蒲秘識萌之轉日以驗未
也
大阿羅漢說法住記
跔向反跋釐上蒲末反戍博上詩刺擎上
星那音西揭陀上居列反誅戮下音刺擎上
尼加反下鷗瞿余向反馱都上唐賀反如來
名窣堵波上蘇沒反中音塔梵語略也堆阜上
契經云耘穡上音云除草也
耘穡下音云下如豆叢杷上奴郎反

碛砂大藏經

大阿羅漢難提蜜多羅所說法住記

卍

影印宋元版

也 花繒綻
瓦自啖

畫六